

BELCHER, JOHN (fl. 1721-1763), cynghorwr Methodistiaidd

Enw: John Belcher
Rhiant: Edmund Belcher
Rhyw: Gwryw
Galwedigaeth: cynghorwr Methodistiaidd
Maes gweithgaredd: Crefydd
Awdur: Gomer Morgan Roberts

Mab Edmund Belcher, Eglwys llan, Sir Forgannwg. Gofaint oeddynt ill dau, ond dechreuodd y mab bregethu gyda'r Methodistiaid. Dewiswyd ef i ymweld â'r brodyr sengl yn sasiwn Watford, 1743, ac ymhen blwyddyn fe'i penodwyd yn gynorthwywr i [Howel Harris](#) yn rhai o siroedd y De. Bu cryn amheuaeth yn ei feddwl ynghylch ymlyniad y Methodistiaid wrth Eglwys Loegr, ac yn 1745 arwyddodd, gydag eraill, lythyr i'r sasiwn yn cwyno yn erbyn hynny a bygwth cefnu. Penodwyd ef yn fuan wedyn i ymweld â Gwynedd. Troes ei gefn ar [Harris](#) yn yr ymranid rhyngddo a [Daniel Rowland](#), ac ymunodd a phlaid [Rowland](#).

Croeswyd ef mewn cariad, ac ymunodd yn ei ffrwst â'r fyddin yn 1758, a bu'n ymladd yn America. Bu sôn yng Nghymru iddo farw yn America c. 1761, ond gwyddys ei fod yn Nhrefeca yn Awst 1763. Yr oedd o gynheddfau meddyliol cryfion, ac yn bregethwr cymeradwy iawn.

Awdur

Y Parchedig Gomer Morgan Roberts, (1904 - 1993)

Ffynonellau

Dyddiadur W. Thomas, *Cardiff Manuscript*4, 877

Methodistiaeth Cymru (1851–6), i, 487; ii, 141; iii, 4, 21-2

J. Morgan Jones a W. Morgan, *Y Tadau Methodistiaidd (1895-1897)*, i, 229-30

Hanes Eglwysi Annibynnol Cymru, ii, 373-4

D. E. Jenkins, *Calvinistic Methodist Holy Orders* (1911), 103-5, 135

Cylchgrawn Cymdeithas Hanes y Methodistiaid Calфинаidd, xxviii, 39; xxix, 27, 30, 70, 73-4, 134; xxx, 30; xxxi, 52, 95; xxxii, 43

Dolenni Ychwanegol

Wikidata: [Q20733354](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

